

# Yeshua, E Hebreo di Dios, ku a bebe e Kopa!!!

Di mesun forma, **Yeshua** a kohe e di tres **Kopa** despues di **Sena** i bisa: 'Esaki ta e **Kopa** di e **Aliansa Nobo** konfirmá ku **Mi sanger**, ku lo ta **dramá** pa boso. (**Lukas 22:20**).

**Yeshua** a apartá su mes for di nan na un distansia kòrtiku, **El** a hinka rudia i resa: 'Tata, si **Abo** ke, tuma e **Kopa** di sufrimentu akí for di **Mi**. Pero no hasi loke **Ami** ke, ma loke **Abo;Tata** ke.' Na e momento ei un **Angel** for di **Shelu** a aparesé i a **Fortifiká Yeshua**. (**Lukas 22:41-43**).

## Yeshua, E Hebreo di Dios, ku a bebe e Kopa!!!

Ora e **Hebreonan** ta selebra e **Fiesta Pésag** i tene e **Sena** di **Pésag** semper tin **4 Kopa** riba mesa. E **4 Kopanan** durante **Fiesta di Pésag** tur tin un **Nifikashon**. E **4 Kopanan** ta simbolisá e **4 Promesanan** ku **Dios Tata** a hasi den **Éksodo 6:6-7**. E promé **Kopa** ta simbolisá e promé **Promesa: Santifikashon**. **Dios Tata** lo **Saka** abo for di tur kos **malu**. E di dos **Kopa** ta simbolisá e di dos **Promesa: Liberashon**. **Dios Tata** lo **Libra** abo for di tur kos **malu**. E di tres **Kopa** ta simbolisá e di tres **Promesa: Redimí-shon**. **Dios Tata** lo **Redimí** abo for di tur kos **malu**. E di kuater **Kopa** ta simbolisá e di kuater **Promesa: Alabansa**. **Dios Tata** lo tuma abo komo **Su Pueblo**.

Awor, den **2022**, abo por ta puntra abo mes kiko e **4 Kopanan** aki di e **Hebreonan** por hasi pa abo? Si abo husa e **Kopa** komo un **abreviashon** ku ta bira **KOPA**. E ora ey **KOPA** ta nifiká **Komprondé, Obediansia, Perseveransia, Abundansia**.

**Yeshua** ta **Komprondé** loke e **4 Kopa** nan su **nifikashon** ta.

**Yeshua** su **Obediansia** ta mara na e **4 Kopa** nan aki.

**Yeshua** su **Perseveransia** ta simbolisá e **4 Kopa** nan aki.

**Yeshua** su **Abundansia** pa abo, ta den abo su **Realisashon** ku **Dios Tata Su Promesanan** di den **Éksodo 6:6-7** ta konta pa abo **tambe!**

E **Sanger** ta trese **Redimí-shon** for di semper. Ta pa e motibu aki **Dios Tata** a bisa e **Hebreonan** pa hunta e **Sanger** na koezin di e porta di **kas**.

(**Éksodo 12:7**). E **Sanger** ta **Redimí** esnan den e **kas** for di **morto**. Meskos **Yeshua Su Sanger** ta **Redimí** abo for di **morto**. Ta pa e motibu aki **Yeshua** a bisa: "Esaki ta **Mi Sanger**, ku ta **konfirmá** e **Aliansa Nobo** (**Yeremías 31:31-34**) i ku **Mi** ta **drama** pa hopi hende, pa pordon di **piká**. **Mi** ta bisa boso: for di awe, lo **Mi** no bebe **Biña** mas, te dia **Mi** bebe **Biña Nobo** ku boso den **Reino** di mi **Tata**." (**Mateo 26:28-29**). E **Promesa** aki di "bebe **Biña Nobo** ku boso den **Reino** di mi **Tata**" ta ora **Yeshua Regresa** bek pa e **Hebreonan!!!**

**Yeshua** a resa na **Tata**: "Meskos ku **Ami** no ta pertenesé na **mundu**, nan; e **Hebreonan**, tampoko no ta pertenesé na **mundu**. **Konsagrá** nan; e **Hebreonan**, pa medio di **Bèrdat**; **Bo Palabra** ta **Bèrdat**." (**Juan 17:16-17**).

15 mei 2022

Sea **Bendishoná** ku e **Amor** di **Dios Tata**; **Yeshua Mesias**  
Un **Fiel Sirbidó** di **Dios**,  
**Remsly L Riley**.